



Халқ сўзи

Ўзбекистон –
келажаги
буюк
давлат

2021 йил – Ёшларни қўллаб-қувватлаш ва аҳоли саломатлигини мустақамлаш йили

1991 йил 1 январдан чиқа бошлаган

WWW.XS.UZ

E-mail: Info@xs.uz

2021 йил 24 декабрь, № 275 (8055)

Жума

Сайтимизга ўтиш учун QR-кодни
телефонингиз орқали сканер қилинг.



ЎЗБЕКИСТОНДА ВИРТУАЛ ВА ХАЛҚ ҚАБУЛХОНАЛАРИНИНГ ТАШКИЛ ЭТИЛИШИ КЎПЛАБ МАМЛАКАТЛАР УЧУН НАМУНА БЎЛА ОЛАДИ

Шавкат Мирзиёев Ўзбекистон Президенти лавозимига киришган илк кунларданок халқ давлат идораларига эмас, давлат идоралари халқимизга хизмат қилиши керак, деган тамойилни илгари суриб келмоқда.

Сўнгги беш йил давомида бу элпарвар тамойил давлатимиз сиёсатининг устувор йўналишига айланди. 2016 йил 28 декабрь куни давлатимиз раҳбарининг жисмоний ва юридик шахсларнинг мурожаатлари билан ишлашга оид Фармони қабул қилинган эди. Ушбу ҳужжатга мувофиқ ташкил этилган Ўзбекистон Президентининг Халқ қабулхоналари ва Виртуал қабулхонаси фуқаролар билан мутасадди идораларни боғловчи тизимга айланди.

Дунё нигоҳи

Ўзбекистон Президенти ташаббуси билан аҳоли мурожаатларини қабул қилиш бўйича Виртуал ва Халқ қабулхоналари тизими фаолияти халқаро кенг жамоатчилик вакиллари томонидан ҳам эътироф этилмоқда ва қўллаб-қувватланяпти.



лантиришга алоҳида эътибор қаратганига бутун дунё ҳамжамияти гувоҳ бўлмоқда.

Ўзбекистон Президентининг виртуал ва Халқ қабулхоналари давлат ҳокимияти ва бошқаруви органлари фаолияти самарадорлигини чуқур таҳлил қилиш ҳамда баҳолаш мезонига айланди. Ушбу ноёб тизим, ўз навбатида, давлат раҳбари томонидан илгари сурилаётган “Инсон

қадрлари учун” тамойилига тўла мос келади.

Жаҳонда муқобили йўқ ушбу механизм туфайли мамлакатда давлат органлари ва мансабдор шахсларнинг жамият олдидаги жавобгарлигини, фуқароларга кўрсатилаётган ёрдамнинг мақсадли ҳамда манзиллилик самарадорлигини оширишга муваффақ бўлинди.

Тизим аҳолининг ҳуқуқий маданиятини юксалтиришга ҳам хизмат қилмоқда. Мазкур фикримни шу йил 24 октябрь куни бўлиб ўтган Ўзбекистон Президенти сайлови якуналари яққол тасдиқлайди.

Мен Президент сайловида халқаро кузатувчи сифатида иштирок этдим. Ўзбекистон халқининг ўз демократик сайлов ҳуқуқларидан қандай фойдаланаётгани менда катта таассурот қолдирди. Фуқаролар билан суҳбатлашганимда, уларнинг барчаси мамлакатда Шавкат Мирзиёев томонидан амалга оширилаётган ислохотлар самараларини эътироф этди. Жумладан, улар халқ билан доимий мулоқот тизимига айланган — Виртуал ва Халқ қабулхоналари фаолияти қисқа вақтда аҳолининг энг яқин кўмакчисига айланганини таъкидлади.

Ўзбекистон аҳолисининг иқтисодий фаровонлиги кейинги йилларда сезиларли даражада ошди. Бундан кейин ҳам одамларнинг яшаш шaroитлари янада юксалишига ишончимиз комил.

Фурсатдан фойдаланиб, Ўзбекистон халқига ўзимнинг энг эзгу тилакларимни билдириш баробарида, кириб келаётган Янги йил байрами билан самимий муборакбод этаман.

Фариза Шам,
Малайзия Миллий
университети қошидаги
Ислom цивилизацияси
институтини директори:

— Жорий йилнинг октябрь ойида Ўзбекистонда бўлиб, мамлакатда амалга оширилаётган ўзгаришлар билан бевоcита танишиш имкониятига эга бўлдим. Шунинг алоҳида таъкидлашни истардимки, республикадаги янгиликлар жараёни менда жуда катта таассурот қолдирди.



Ўзбекистон Республикасининг ҚОНУНИ Тадбиркорлар қунини белгилаш тўғрисида

Қонунчилик палатаси томонидан 2021 йил 19 ноябрда қабул қилинган
Сенат томонидан 2021 йил 15 декабрда маъқулланган

1-модда. 20 август Тадбиркорлар қуни этиб белгилансин.

2-модда. Ушбу Қонун расмий эълон қилинган кундан эътиборан қуча киради.

Ўзбекистон Республикасининг
Президенти Ш. МИРЗИЁЕВ

Тошкент шаҳри,
2021 йил 23 декабрь
№ ЎРҚ—739

Бирдамлик

АФҒОНИСТОНГА НАВБАТДАГИ ИНСОНПАРВАРЛИК ЁРДАМИ

2021 йилнинг 23 декабрь куни Мозори-Шариф шаҳрида Ўзбекистон Республикаси томонидан Афғонистонга етказилган инсонпарварлик юкларини топшириш маросими бўлиб ўтди.



Ун, гуруч, шакар ва бошқа озиқ-овқатлар, биринчи навбатдаги зарурий товарлар, кийим-кечаклар, тўқимачилик маҳсулотлари, умумий оғирлиги 4 минг тоннадан зиёд кўмир ёқилғисидан иборат ушбу инсонпарварлик ёрдами ўзбек халқининг Афғонистонга навбатдаги туҳфаси бўлди. Бу ҳақда Ўзбекистон Ташқи ишлар вазирлиги матбуот хизмати хабар қилмоқда.

Маросимда сўзга чиққан Афғонистон Муваққат ҳукумати ташқи ишлар вазирининг ўринбосари Шер Аббос Станикзай мамлакат учун оғир давларда кўрсатилаётган доимий эътибор, қўллаб-қувватлаш ва бирдамлик учун Ўзбекистон Президенти Шавкат Мирзиёевга бутун афғон халқи номидан чуқур миннатдорлик билдирди.



Республика Кенгаши йиғилиши

ЎЗБЕКИСТОННИНГ ҚАТОР ИНДЕКСЛАРДАГИ ЎРНИ ЯХШИЛАНДИ

Кеча Халқаро рейтинг ва индекслар билан ишлаш бўйича республика кенгашининг навбатдаги йиғилиши бўлиб ўтди.



Тадбирни Ўзбекистон Республикаси Олий Мажлиси Сенати Раиси, Халқаро рейтинг ва индекслар билан ишлаш бўйича республика кенгаши раиси Танзила Норбоева олиб борди. Видеоконференцада тарзда ўтказилган йиғилишда Кенгаш аъзолари, вазирлик ва идоралар мутасаддилари иштирок этди. Қайд этилганидек, 2021 йилда Ўзбекистон

учун устувор ҳисобланган Статистик салоҳият индекси, Жаҳон мамлакатлари демократияси индекси, Ҳуқуқ устуворлиги индекси, Рақобатбардош саноат унвдорлиги индекси, Глобал инновацион индекс, Бошқарув сифати индикаторлари каби бир қатор халқаро рейтинглардаги ўрни яхшиланди.



Қонун лойиҳаси — муҳокамада

ЭЪТИРОЗЛАРГА САБАБ БЎЛГАН НОРМАЛАР ТАКОМИЛЛАШТИРИЛАДИ

Олий Мажлис Қонунчилик палатасининг Саноат, қурилиш ва савдо масалалари қўмитаси томонидан навбатдаги ишчи гуруҳ йиғилиши бўлиб ўтди. Унда “Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида”ги қонун лойиҳасидаги нормалар обдан муҳокама қилинди.

Таъкидлаш жоизки, ушбу ҳужжат иккинчи ўқишга тайёрланмоқда. Қонун лойиҳаси билан капитал бозорига эмиссия қилинган қимматли қозғалар савдо натижалари бўйича амалга оширилаётган ҳисоб-китоблар битта ташкилот доирасида амалга оширилади, хорижий марказий депозитарийлар ва халқаро ҳисоб-китоб депозитарийлари билан Ўзбекистон капитал бозори иштирокчиларининг ҳисоб-китоб операциялари бўйича тўғридан-тўғри алоқаи ўрнатилади.

Шу билан бирга, давлат иштирокидаги корхоналарда кузатув кенгаши, ички аудит хизмати, кузатув кенгаши таркибида аудит қўмитаси ташкил этилиши, мамлакат иқтисодиёти учун устувор аҳамиятга эга бўлган стратегик соҳаларга оид айрим акциядорлик жамиятларини бошқаришда давлат иштирокининг махсус ҳуқуқи (олтин акция) бекор қилиниши, ижро этувчи орган



ва кузатув кенгаши аъзолари ваколатларини бир йилдан уч йилгача узайтириш, давлат иштирокидаги корхона акциялари (улушлари)нинг қамиди 5 фоизига эгаллик қилувчи акциядорлар (иштирокчилар)га асослар бўлган тақдирда, корхона молия-ҳўжалик фаолиятини корхона ҳисобидан навабдан ташқари ташқи аудитдан ўтказишни талаб қилиш ҳуқуқи берилмоқда.

Ишчи гуруҳи йиғилишида қонун лойиҳасини такомиллаштиришга қаратилган тақлиф ва тавсиялар, эътирозлар билдирилган моддалар атрофлича муҳокама қилинди. Айрим моддалар маромига етказилди, айрилими лойиҳадан чиқарилди.

Қўмитада қонун лойиҳасини такомиллаштириш ишлари давом этмоқда.

«Халқ сўзи».

Нуктаи назар

ИЗЧИЛЛИК ФАЛСАФАСИ

Янги ЎЗБЕКИСТОННИНГ
ТАРАҚҚИЁТ СТРАТЕГИЯСИ –
ИСЛОҲОТЛАРНИНГ
ҲАЛ ҚИЛУВЧИ
БОСҚИЧИ



Шарқ донишмандлари айтганидек, “Янгиликлар шамоли эсаётганда кимдир бошпана курса, бошқалар шамол тегирмони ясашади”. Шу иборани замонавий Ўзбекистонга татбиқ этсак, мамлакатимиздаги ана шундай кучли тўлқин бор бўйича яратувчанлик фаолиятига йўналтирилди ҳамда у давлатнинг сиёсий, ижтимоий ва маданий ҳаётини тубдан ўзгартирди, деб бемалол айта оламиз.

Президент Шавкат Мирзиёев мамлакатимиз Конституцияси қабул қилинганининг 29 йиллигига бағишланган табригида Янги Ўзбекистондаги ислохотлар энди ҳеч қачон ортга қайтмаслигини, янги давлат қуриш ғояси эса эл-юртимизнинг улкан интилиш ва иродаси билан умумхалқ ҳаракатига айланаётганини таъкидлади.

Давлатимиз раҳбарининг таъбири билан айтганда, орадан йиллар, асрлар ўтади, лекин ғоят қийин ва мураккаб, оғир синовли йилларда Янги Ўзбекистонни бунёд этишга муносиб ҳисса қўшган инсонларни келгуси авлодлар миннатдорлик билан эслайди.

Бундай теран мазмунли фикрни ёдда сақлаш ва унинг атрофида чуқур мушоҳада юритиш жуда муҳим. Айнан ҳозир биз яшаб турган давр негашунчалик ўзига хос, деб ҳисобланмоқда? Ислохотларга ҳисса қўшиш ва чинакамига муносиб бўлиш учун яна нималар қилишимиз керак?



ОЛМАЛИҚДАГИ МЕГАЛОЙИҲА

яқин истиқболда нафақат ушбу шаҳар,
балки бутун мамлакатимиз ривожига улкан ҳисса қўшади

Давлатимиз раҳбари қуни кеча Тошкент вилоятининг Олмалиқ шаҳрида амалга оширилаётган йирик саноат лойиҳалари ва ижтимоий соҳа фаолияти билан танишиш, шунингдек, аҳоли вакиллари билан ўзаро мулоқот асосида қатор тақлиф ва ғояларни илгари сурди.

Муносабат

Уларнинг ҳар бири нафақат Олмалиқ, балки бутун мамлакатимизнинг иқтисодий ва ижтимоий ҳаётида муҳим аҳамиятга эга экани би-

лан алоҳида ажралиб туради. Жумладан, Олмалиқ кон-металлургия комбинатида рўёбга чиқарилаётган янги лойиҳалар билан танишиш чоғида билдирилган тақлифлар ҳам жуда қимматли бўлди.

Эътиборлиси, юртимизда ишлаб чиқарилаётган саноат маҳсулотининг 7 фоизи, экспорт ҳажмининг 15 фоизи айнан мазкур корхона улушига тўғри келади. Шу маънода, унинг фаолиятини янада кенгайтириш ишлаб чиқариш ҳажмини ошириш, иш ўринлари яратиш ҳамда одамларнинг турмуш даражасини кўтартиришга хизмат қилишини айтиш зарур. Шу боис ҳам корхонада илм ва технологияларга алоҳида эътибор қаратилмоқда. Бу саъй-ҳаракатлар самараси ишлаб чиқариш ҳажми йилдан-йилга ошиб боришида намоён бўляпти.



АКАДЕМИК
ТЕМУРБЕК УСМОНОВ

Ўзбекистон илм-фани огир жудолика учради. Атоқли физик олим, Ўзбекистон Фанлар академиясининг академиги Темуրбек Усмонов 79 ёшида вафот этди.



Т. Усмонов 1942 йилда Тошкент шаҳрида туғилди. 1967 йилда Москва давлат университетини тугатиб, Ўзбекистон Фанлар академиясининг Ядро физикаси институтига стажёр-тадқиқотчи сифатида иш бошлади. Сўнгра Москва давлат университети аспирантурасида тахсил олиб, 1972 йилда номзодлик, 1987 йилда докторлик диссертацияларини муваффақиятли ҳимоя қилди. 2017 йилда Ўзбекистон Республикаси Фанлар академиясининг ҳақиқий аъзоси этиб сайланди.

У ўзининг қарийб 60 йиллик илмий педагогик ва таъкилотчилик фаолияти давомида Ўзбекистон Фанлар академиясининг Ядро физикаси институтига катта илмий ҳодим, Электроника (ҳозирги Ион-плазма ва лазер технологиялари) институти лабораторияси мудири, Ўзбекистон Республикаси Фан ва техника қўмитаси раисининг биринчи ўринбосари, Ўзбекистон Республикаси Вазирлар Маҳкамаси қошидаги йирик илмий лойиҳалар бўйича эксперт кенгаши раиси, Фанлар академияси Ион-плазма ва лазер технологиялари институтини бош илмий ҳодими ва лаборатория мудири лавозимларида самарали меҳнат қилди.

Академик Т. Усмонов юртимизда лазер физикаси ва технологиялари, нонизикли оптика ва спектроскопия соҳаларининг долзарб масалаларини тадқиқ этиш, юқори малакали кадрлар тайёрлаш ишига муносиб ҳисса қўшди.

У ўз соҳаси бўйича янги илмий йўналишга асос солиб, дунёда илк бор қувватли лазер нурулаишларининг энг катта самарадорликдаги гармоникалари ва ёруғлиқнинг энг юқори даражадаги параметрик генерацияларини олишга эришди. Унинг тадқиқотлари асосида ишлаб чиқилган лазер комплекслари бугунги кунда амалиётда кенг қўлланилмоқда.

Олим 400 дан ортиқ илмий мақолалар, 4 та монография, 16 та патент муаллифи бўлиб, 150 дан зиёд илмий мақолалари халқаро нуфузли журналларда чоп этилган эди.

Қўллаб ёшларга илм-фан сирларидан сабоқ берган жонқуяр устознинг бевосита раҳбарлигида 5 нафар фан доктори ва 15 дан ортиқ фан номзоди етишиб чиқди.

Т. Усмоновнинг мамлакатимиз илм-фанини ривожлантириш борасидаги хизматлари давлатимиз томонидан муносиб тақдирланди. У “Фидокорона хизматлари учун” ордени билан мукофотланган эди.

Истеъдодли олим, меҳрибон устоз, камтарин инсон Темуրбек Усмоновнинг хотираси қалбларимизда ҳамиша сақланиб қолади.

Ш. МИРЗИЁЕВ, Т. НОРБОВЕВА, Н. ИСМОИЛОВ,
А. АРИПОВ, Б. ЙЎЛДОШЕВ

АФГОНИСТОНГА
НАВБАТДАГИ
ИНСОНПАРВАРЛИК ЁРДАМИ

Оғир гуманитар ва озиқ-овқат инқирозининг олдини олиш мақсадида Афғонистон халқиға кўмак қўрсатиш қаҳарувиға Ўзбекистон раҳбари биринчилардан бўлиб эътибор қаратган, бу бегараз ёрдами кўп миллатли Афғонистон халқи чинакам инсонпарварлик, биродарлик ва яхши қўшничиликнинг чинакам ифодаси сифатида қабул қилиши алоҳида таъкидланди.

Аббос Станикзай афғон халқи Ўзбекистон раҳбарининг биродарлик муносабатини доимо ҳис қилиб келганини, шу боис мамлакатнинг янги ҳокимият идоралари яхши қўшничилик муносабатларини янада мустаҳкамлаш учун барча имкониятни ишга солишини, шунингдек, ўз ҳудудидан қўшни давлатларга, жумладан, Ўзбекистонга ҳеч қандай таҳдидларга йўл қўйилмаслигини билдирди.

Балх вилояти ҳокими Қудратилла Абу Ҳамза маз-

кур инсонпарварлик ёрдами учун миннатдорлик билдирар экан, бу айни қиш фаслида афғон халқи учун алоҳида аҳамият касб этишини таъкидлади. Унинг сўзларига кўра, бу икки биродар халқ ўртасидаги илдизи мустаҳкам тарихий ва маънавий алоқаларнинг яна бир далилидир.

Маросимда сўзга чиққан Афғонистон жамоатчилиги вакиллари, жумладан, этник ўзбекларнинг таниқли арбоблари афғон халқининг ҳақиқий дўсти бўлиши Ўзбекистон халқи ва раҳбарига ҳар қандай оғир ҳамда синовли дамларда тақдир ҳукмига ташлаб қўймагани ва навбатдаги бегараз ёрдами учун самимий миннатдорлик билдирдилар.

Тадбир сўнгида халқимизнинг меҳмондўстлиги рамзи сифатида ўзбекистонлик ошпазлар томонидан миллий таом — палов тайёрланиб, барча йигилганлар, шунингдек, Афғонистон жамоатчилигига тортиқ қилинди.

«Халқ сўзи».

Ўзбекистон — Корея Республикаси:

МУСТАҲКАМ ҲАМКОРЛИК
ТАЪЛИМ РАВНАҚИ УЧУН ҚАНОТДИР

Ўзбекистон — Жанубий Корея муносабатлари ўзига хос тарихий илдишларга эга. Бу икки буюк халқнинг асрлар, минг йиллар мобайнида бир-бирига боғлаб келган ўхшаш жиҳатлар кўп. Ўзаро уйғун маданият, қадриятлар ҳамоханглиги, айниқса, юксак гуманизм, меҳнатсеварлик, қатъият ҳамда масъулият борасидаги муштараклик ҳар икки халқнинг дўстлик ва ҳамкорлик ришталари ўрнатилиши, қолаверса, янада мустаҳкамланишига асос бўлди.

Акс садо

Шу ўринда таъкидлаш жоиз, давлатимиз раҳбари Шавкат Мирзиёев томонидан олиб борилаётган оқилона ташқи сиёсат тўғрисида халқаро ҳамкорлик уфқлари кенгайиб, қўллаб-маълуматлар билан боғланган азалӣ ришталар стратегик шериклик даражасига кўтарилиди, десак, муволаға эмас.

Ўзбекистон ва Корея Республикаси муносабатларида ҳам давлатларимиз раҳбарларининг доимийлик касб этган мулоқотлари, учрашувлар чоғида эришилган келишувлар муҳим аҳамият касб этмоқда. Бунӣ ўтган беш йил ичида мамлакатимизда Жанубий Корея сармояси киритилган корхоналар сони икки баробар ошгани, ўзаро манфаатли савдо алоқалари мунтазамлик касб этгани ҳам тасдиқлайди.

Айниқса, сўнгги йилларда савдо-иқтисодий, транспорт ҳамда логистика, саноат, машинасозлик ва электротехника каби қатор йўналишлардаги ҳамкорлик янги босқичга чиқди.

Ўз позицияси, ривожланиш тенденциялари, қолаверса, глобал мавзудардаги қарашлари ҳам ўзаро ўхшаш бўлган ўзбек ҳамда корей халқи бугунги кунда барча муҳим соҳаларда — соғлиқни сақлашдан тортиб, мактабгача таълим тизимигача бўлган

тармоқ ва йўналишларда тажриба алмашиш, муваффақиятли дўстлик алоқаларини йўлга қўйиш аънаъасини тўлақонли қўллаб-қувватлаётир.

Олий таълим тизими
ўзаро уйғунликда
ривож топмоқда

Биз хоҳлаймизми, хоҳламаймизми, барибир таълим тизимини давр талаби даражасига кўтаришимиз шарт. Ёдингизда бўлса, Президентимиз таълим тизимини ислоҳ қилишни ҳаёт-мамонт масаласи, деб айтганди. Шу маънода, юртимизда сўнгги йилларда Корея Республикаси миллий таълимининг дунё тан олган жиҳатлари эътироф этилиши билан бирга, соҳа тараққийдига ҳизмат қилувчи принципларидан андоза олишга эришилди.

Хусусан, мамлакатимизда Жанубий Кореянинг қатор олий ўқув юртлири филиаллари очилиб, уларда асосан, машинасозлик, электротехника, компьютер ва ахборот технологиялари, архитектура, бухгалтерия сингари йўналишларда замонавий билим ҳамда малакага эга кадрларни тайёрлашга алоҳида эътибор қаратилмоқда.

Таъкидлаш жоизки, 2019 йилда Фарғона вилоятида Ўзбекистон — Жанубий Корея халқаро университетининг ташкил этилиши ҳар икки мам-

лакат ўртасидаги олий таълим тизими уйғунликда равнақ топтиришга қаратилган илиқ муносабатларнинг амалий ифодаси бўлди.

Бу орқали халқаро талабаларга жавоб берадиган малакали мутахассислар тайёрлаш сифатини оширишга эришилаётир.

Давлатимиз раҳбарининг жорий йил 16 — 18 декабрь кунлари Корея Республикасида давлат ташрифи ҳам Ўзбекистон ҳамда ушбу мамлакат ўртасидаги ҳар томонлама мустаҳкамланиб бораётган муносабатларнинг янги даврини бошлаб берган тарихий воқеалик бўлди.

Муҳим келишувлар
ижроси мамлакат
тараққийтини
тезлаштиради

Тарихий ташриф чоғида Ўзбекистон — Жанубий Корея муносабатлари, ўзаро манфаатли икки ва кўп томонлама ҳамкорлик алоқаларининг ҳозирги ҳолати ва истиқболлари аърофича мўжама қилинди. Эътиборли жиҳати, ҳар икки давлат раҳбарлар стратегик шериклик муносабатларини чуқурлаштириш тўғрисидаги қўшма баёноти қабул қилди.

Шунингдек, соғлиқни сақлаш соҳасида ҳукуматлараро битим, Корея халқаро ҳамкорлик агентлиги билан 2022 — 2024 йилларга мўлжалланган ҳамкорлик дастури, Ташқи ишлар вазирликлари ўртасида 2022 — 2024 йилларга мўлжалланган ҳамкорлик дастури, шунингдек, энергетика соҳасида ўзаро мулоқот ўрнатиш, “ақли шаҳар”ларни ривожлантириш, Иқтисодий тараққийтга қўмаклашиш жамғармаси орқали молиялаштириш, нодир металллар, мис ва уларнинг қотишмаларига оид меморандумлар имзолангани ҳам ташрифнинг

моҳияти ва аҳамиятини яққол ифода этади.

Президентимиз Шавкат Мирзиёев ҳамда Корея Республикаси Президенти Мун Чжэ Ин ахборот технологиялари, “ақли” қишлоқ ҳўжаллиги соҳаларига оид меморандумлар ҳамда тиббий усуналар етказиб бериш тўғрисида муҳим битим ва келишувларга эришдилар.

Ташрифнинг яна бир аҳамиятли жиҳати, давлатимиз раҳбари Сеулдаги миллий қабристонга ташрифи бўлиб, Корея мустақиллиги учун курашган ҳамда урушларда ҳалок бўлган инсонлар, мамлакат ривожига катта ҳисса қўшган давлат ва жамоат арбоблари хотирасига эҳтиром кўрсатди. Бу ушбу мамлакатнинг тарихи, миллий қадриятларига ҳурмат ифодасини ҳам акс эттиради.

Давлатимиз раҳбари Сеул шаҳрида Корея Республикасининг етакчи компаниялари ва молиявий тузилмалари раҳбарлари билан учрашувда уларни Ўзбекистонга келиш, хорижий инвесторлар учун яратилган қулай шароитлардан фойдаланишга тақлиф этгани ҳам алоҳида аҳамиятга эга. Бу келгусида соҳада катта имкониятлар эшигини очили билан эътиборга молиқ. Ҳар томонлама самарали ҳамда муваффақиятли воқеаликларга бўй ўтган ташриф юртимиз тараққийтини тезлаштиришга хизмат қилиши, шубҳасиз.

Янги марраларни
забт этиш йўлидаги
хайрли қадам

Аждодларимиз ва уларнинг бой илмий-иқодий меросини чуқур ҳурмат қилган ҳолда Президентимиз томонидан бугун дунё мамлакатларининг ривожланиш тенденцияларини ўрганиш, қолаверса, халқаро инвес-

тицияларни жалб этиш қўламини кенгайтириш мақсадида хорижий тилларни пухта ўзлаштирган ёш кадрларни тарбиялаш борасида олдимизга қўйилган вазифалар айнан юқоридаги каби хайрли мақсадларга қаратилган.

Ҳар бир олий таълим муассасаси бу борада ўз позициясини намоён эта олиши керак, албатта.

Шунга мувофиқ, бугунги кунда Фарғона давлат университетига республикада биринчилардан бўлиб, Халқаро тилларни ўқитиш маркази фаолият бошлади. Инглиз, рус, француз, немис, япон ва корей тиллари мукаммал даражада ўқитиладиган ушбу марказ университет профессор-ўқитувчилари ҳамда талаба-ёшлар учун янги билим уфқларини забт этишига катта замин ҳозирлапти.

Бу, айни чоғда, халқаро ҳамкорлик муносабатларига муносиб ҳисса қўша оладиган, хорижий тилларни пухта эгаллаган ёшларни камолга етказиш йўлидаги хайрли қадамлардандир.

Бугун янги Ўзбекистонни, унинг янги қиёфасини дунё тан олмоқда, эътироф этмоқда. Бунӣ кундан-кунга юксалиб бораётган халқаро муносабатлар қўламини ҳамда самараси мисолида ҳам яққол кўриш мумкин.

Шу маънода, Корея Республикаси каби дунёнинг ривожланган давлатлари билан мустаҳкам алоқалар барча соҳа ва тармоқлар қатори миллий таълим, хусусан, олий таълим тараққийтига ҳам хизмат қилади. Шундай экан, барчамиз бугунги тарихий жараёнларда фаол ҳамда ташаббускор бўлишимиз шарт.

Баҳодиржон ШЕРМУҲАММАДОВ,
Фарғона давлат университети ректори,
педагогика фанлари доктори,
профессор.

Мушоҳада

Сўнгги йилларда Ўзбекистоннинг халқаро муносабатларининг тенг ҳуқуқли субъекти сифатидаги ролини янада ошириш, жаҳондаги нуфузини мустаҳкамлаш, ривожланган демократик давлатлар қаторидан урин олишини таъминлашга алоҳида эътибор қаратиб келинмоқда. Шу сайҳ-ҳаракатлар боис нафақат қўшниларимиз, балки узоқ-яқин мамлакатлар билан ҳам ўзаро манфаатли савдо-иқтисодий, инвестициявий ва маданий-гуманитар алоқалар изчил ривож топиб бормоқда.

ПАРЛАМЕНТЛАРАО
МУЛОҚОТНИНГ
ЯНГИ САМАРАЛИ
МЕХАНИЗМЛАРИ
ЖОРИЙ ЭТИЛАДИ

Президентимизнинг яқинда Корея Республикасига давлат ташрифи ҳам шу йўлдаги навбатдаги дадил қадамлардан бири бўлди. Зеро, ушбу ташрифини диққат билан кузатган халқаро экспертлар бу Ўзбекистон ҳамда Корея давлатларининг стратегик ҳамкорлигини янги босқичга олиб чиқишини қайд этмоқда.

Маълумки, ҳозирги пайтда Ўзбекистон Жанубий Корея билан кимё, нефть-кимё, тўқимачилик, қурилиш, қишлоқ ҳўжаллиги бўйича қатор қўшма лойиҳаларни амалга ошириб келаётир. Ташриф давомида ўзаро манфаатли лойиҳалар салмонини янада қўлайтиришга алоҳида эътибор берилганлиги айни мўдао бўлди. Жумладан, мамлакатимизни Жанубий Корея билан яқин даврга мўлжалланган ҳамкорлигининг учта асосий йўналиши белгиланди.

Хўш, улар нималардан иборат?

Аввало, “яшил” тараққийёт сиёсатини ҳаётга таътиқ этиш бўйича томонларнинг ҳамкорлигини ривожлантириш, бу борада тажриба алмашиш бугунги кунда нийҳоятда долзарб.

“Яшил” тараққийётнинг муҳим компоненти қайта тикланадиган энергия манбаларини яратиш ва фойдаланиш ҳисобланади. Бу жиҳатдан Ўзбекистон салоҳияти юқори. Боз устига, “яшил энергетика” соҳасидаги лойиҳаларни рўёбга чиқариш мамлакатимизда яқин ўн йилда қайта тикланадиган энергия манбаларининг улушини бир неча баробардан зиёдага қўлайтириш имконини беради. Бу иқтисодийимиз учун ўта муҳим.

Шунингдек, рақамлаштириш бўйича ҳамкорлиқни янада кенгайтириш белгиланади. Кореянинг рақамли иқтисодиёт, сунъий интеллект, “ақли шаҳарлар”, ауторсинг, алоқанинг янги авлоди ва интернет технологиялар борасидаги ютуқлари ҳар икки мамлакат ўртасидаги ўзаро ҳамкорлиқни янада кенгайтиришга асос бўлиши аниқ.

Шухрат ЧўЛЛИЕВ,
Олий Мажлис Сенатининг Суд-ҳуқуқ масалалари ва коррупцияга қарши курашиш қўмитаси раиси ўринбосари.

ТОШКЕНТДА «ТАДБИРКОРЛАР МАКТАБИ» ОЧИЛДИ

“Ўзсаноатқурилишбанк” АТБ ҳамда “Ўзсаноатқурилишматериаллари” уюшмаси ҳамкорлигида ташкил этилган “Тадбиркорлар мактаби” ўқув марказининг очилиш маросими бўлиб ўтди. Унда Ўзбекистон Республикаси Инвестициялар ва ташқи савдо вазирлиги, банк ҳамда уюшма раҳбарияти, тадбиркорлар, оммавий ахборот воситалари ҳодимлари қатнашди.

SANOAT QURILISH BANK

Тадбирда таъкидланганидек, маҳаллий саноат маҳсулотларининг сифати бозор талабларига мос келиши шарт. Чунки бу унинг ҳаридорлигини, корхонанинг эса барқарорлигини таъминлайди. Давлатимиз раҳбарининг шу йил 9 июндаги “Ҳудудларнинг саноат салоҳиятини оширишга доир қўшимча чора-тадбирлар тўғрисида”ги Фармонида қурилиш материаллари саноатини ривожлантиришга қаратилган вазифалар қаторида маҳаллий саноат корхоналари учун профессионал кадрлар тайёрлаш, бунда тренинг дастурларидан кенг фойдала-

ниш масалалари аниқ белгилаб берилди.

Ҳужжатга мувофиқ, шу кунга қадар “Ўзсаноатқурилишбанк” томонидан қатор ишлар амалга оширилди. Хусусан, банк ҳамда Туркиянинг Малтепе университети ўртасида Ўзбекистонда мазкур университет филиалини очилиш ва мамлакатимизда қурилиш секторини ривожлантириш учун қурилиш материаллари ишлаб чиқариш соҳасида юқори малакали мутахассисларни тайёрлаш мақсадида меморандум имзоланди.

Қурилиш материаллари ишлаб чиқаришга ихтисослаштирилган кор-

хоналарда меҳнат қилаётган муҳандис ва технотларлар учун дастлабки семинар ўтказилиб, унга кўра, юртимиз тадбиркорларига Туркия Малтепе университетининг махсус сертификатлари топширилди.

Хизмат

“ЎзуқурилишматериалЛИТИ” илмий тадқиқот ва инжиниринг маркази билан ҳамкорликда тадбиркорлар ҳамда аҳоли вакиллари учун қурилиш материаллари ва уларни ишлаб чиқариш билан боғлиқ маълумотларни ўз ичига олган 65 турдаги амалий-услубий қўлланмалар чоп этилиб, барча ҳудудларга кенг тарқатилди.

Тадбирда “Ўзсаноатқурилишбанк” ва “Ўзсаноатқурилишматериаллари” уюшмаси ҳамкорлигида “Тадбиркорлар мактаби” ўқув марказининг ташкил этилиши ушбу йўналишдаги ишларнинг яна бир амалий ифодаси эканлиги қайд этилди.

Марказ фаолияти тадбиркорлик субъектлари ва манфаатдор аҳоли

вакиллари қурилиш материаллари ишлаб чиқариш соҳасида бизнесни замонавий асосда ташкил қилишга ўқитиш ҳамда уларга янада кенг имкониятлар яратишга қаратилган.

У ерда машғулотлар замонавий ўқув дастурлари ва янги таълим методлари асосида 4 та модулга ажратилган ҳолда олиб борилади. Бунинг учун ўқув маркази зарур таълим воситалари ва ўқув қуроллари билан таъминланди, етарли адабиётлар фонди шакллантирилди.

Марказда ўқув қурслари жами 72 соатга мўлжалланган бўлиб, бир вақтнинг ўзида 40 нафар тингловчини қамраб олиш имкони мавжуд.

Ўқув маркази фаолиятининг йўлга қўйилиши натижасида қурилиш таърииллари ишлаб чиқаришда ташаббускор тадбиркорларнинг соҳадаги малака даражаси мунтазам ошириб борилади, илгор архитектура ва дизайнерлик тамойилларига асосланган “келажак материаллари” номенклатураси кенгайтирилиб, ишлаб чиқаришда халқаро стандартлар кенг жорий этилади.

Шунингдек, марказ бўлажак ишбилармонларнинг молия, солиқ, маркетинг ва ҳуқуқий саводхонлигини оширишга, илгор ва замонавий технологиялар, ишланмалар, билимлар ва илм-фан ютуқларидан фойдаланган ҳолда қурилиш материаллари ишлаб чиқарувчи янги тадбиркорларни кашф этишга хизмат қилади.

Очилиш маросимида сўз олганлар “Тадбиркорлар мактаби” айни чоғда, қурилиш материаллари ишлаб чиқариш тармоғи учун янги технологиялар ва инновациялар марказига айланишини таъкидладилар. Ушбу йўналишда Ўзбекистон Республикаси Инвестициялар ва ташқи савдо вазирлиги, “Ўзсаноатқурилишбанк” ва “Ўзсаноатқурилишматериаллари” уюшмаси томонидан изланишлар давом эттирилиши қайд этилди.

Банк ахборот хизмати.

Хизматлар лицензияланган.

Реклама ўрнида

ИЗЧИЛЛИК ФАЛСАФАСИ

ЯНГИ ЎЗБЕКИСТОННИНГ ТАРАҚҚИЁТ СТРАТЕГИЯСИ — ИСЛОҲОТЛАРНИНГ ҲАЛ ҚИЛУВЧИ БОСҚИЧИ



■ Шаффофлик даври

“Life” журнали ўтган мингйилликдаги энг буюк воқеа-ҳодисаларни санаб ўтар экан, 1450 йилда босма дастгоҳ учун ҳарф теришга мўлжалланган шрифтнинг ихтиро қилинишини биринчи ўринга қўйди.

Мана, олти аср ҳам ўтди. Ўзгаришларнинг энг ихтиролари қилиб турибди булар — ахборотни узатиш ва сақлашнинг янги воситаси. Бу — рақамлаштириш. Қоғоз ўрнига келган электрон қурилмалар ахборотни узатиш қўламининг кенглиги ва тезлиги жиҳатидан оламшумул аҳамият касб этди.

Ижтимоий фанлар бўйича мутахассислар тасдиқлашча, интернет ҳаётнинг барча жабҳасига кириб бориши тўғрисида бузгун чуқур трансформация жараёндарига гувоҳ бўляпмиз. Бу эса шаффофлик даври бошланганидан дарак берапти, яъни “ҳамма ҳаммани қўриб-билди турибди”.

Илгари бу — юқори идораларнинг хизмат хоналарида ишлаб чиқилиб, кейин қўйига, яъни ихтироларга туширилган, ундан сўнг эса бутун жамоатчилик сўзсиз амал қилиши шарт бўлган қарорлар эди. Энди эса давлатнинг ахборот устидан тўлиқ яккахокимлиги тугатилиб, жараён бошқача тус олди. Интернет ва ижтимоий тармоқлар ҳар бир инсонга давлатнинг барча хатти-ҳаракатларини кузатиб боришдек “суперқобилият”ни тақдим этди. Қарангки, энди одамларнинг ўзлари ҳам турлича, яъни юқоридан туширилган қарорга ўхшаш ёки ундан фарқ қилувчи фикр-мулоҳазаларини бемалол тармоқ орқали тарқата оладилар.

...Тарихий фильмлардаги бир манзарани эслайлик: бозорнинг кенг майдони ўртасига жарчи чиқади-да, ўралган қозонни ёяди. Кейин оломонга бир назар ташлаб, фармонни баянлаб овозда ўқий бошлади. Ҳамма нафасини ичига ютиб тинглади... Ҳозир-чи? XXI асрнинг учинчи ўн йиллигига келиб шундай тараққиётга эришдикки, миллиардлаб одамлар ўзига хос “карнай”дан фойдаланяпти. Бу “карнай”нинг жарангию қудратидан ўша ўрта асрлардаги жарчи хабар топганида борми, ҳасаддан нақд ўзини йўқотиб қўяр эди.

Ўзгаришларнинг кучли тўлқини, ҳатто азалий қонун-қоидаларни ҳам четлаб ўтмади. “Демократия” тушунчасининг мазмунини шунчалик кенгайдикки, унинг муаллифи Арасту чизиб қўйган доирадан ҳам четга чиқиб кетди. Демократиянинг асосий тамойилларидан бири, яъни бошқарувда эркин муҳокама қилиш ва иштирок этиш — янги коммуникация каналлари одатий ҳолга айлангани сари қўндалик ҳаётимизнинг барча соҳасини қамраб ола бошлади. Мурожаат қилиш порталлари орқали одамлар ҳокимият органлари билан тўғридан-тўғри боғланмоқда. Масалан, илгари фуқаролар бюджет маблағларини шакллантириш жараёнида билвосита, яъни парламентдаги вакиллари орқали қатнашган

Ўз телефонингиздаги мессенжер тасмасини айлантириб “варақлаш”нинг ўзи ки-фоя. Ҳамкасблар билан мулоқотда бўлиш учун битта гуруҳ, қўшнилари учун — битта, қариндошлар учун — яна битта. Оилангизда мактаб ўқувчиси бўлса, ҳар бир синф учун алоҳида гуруҳ. Фарзандлари боғчага қатнайди-юки-чи? Махсус гуруҳ орқали улар мактабга таълим масканидаги жараёнларни кузатиши, мутасаддилар билан бемалол боғланиши мумкин. Эътиборлиси, бундай гуруҳларда муайян масалани муҳокама этиб, умумий қарорга келиш ва шу асосда ҳаракат қилишга ҳам имконият бор.

Энди масаланинг бошқа томони. Ҳа, электр токи ёруғлик узатади. Аммо у билан нотўғри муносабатда бўлинса-чи, шифохона каравотига ётқизиб қўйиши, ҳатто ўлдириши ҳам мумкин. Худди шу сингари илгор ихтирою кашфиётлар икки томонлама моҳиятга эга. Янги ахборот-коммуникация технологиялари ҳам ўзининг ижобий хусусиятлари билан бир қаторда салбий томонларини кўрсатиб қўйишга улгурди. Тўхтовсиз ахборот оқими турли-туман. Унинг ана шундай ранг-баранглиги кўпинча ўта қизгин баҳсга, ҳатто таҳдидга айланиб кетаяпти. Мунозара “майдони” гўёки “ноҳақ”ларни камситиш қуроли бўлиб қолмоқда. Ав-

гиликка айланиб, нотўғри талқинга олиб келиши ҳеч гап эмас.

■ Танлов имтиёзи

Яқинда қарийб бир юз эллик нафар америкалик олим ва таҳлилчилар очик хат билан чиқишди. Уларнинг хавотирланишича, кейинги қирқ йилда демократик мамлакатлар сони икки баравар кўпайганига қарамай, дунёда эркинлик даражаси пасайиб борапти. Халқаро индекслар матбуот эркинлиги, нодавлат ва халқаро ташкилотларнинг ҳуқуқлари тобора чекланётганини кўрсатмоқда.

Ана шундай янги ҳаётнинг ва хатарлар сиёсий тизимларни синовдан ўтказмоқда. Ҳар бир киши бошқа кишининг сўзлари ва хатти-ҳаракатларини кузата олиши мумкин бўлган замонавий дунёда одамларнинг ишончини қозониш ва сақлаб қолишнинг ягона йўли бор, ҳолос. У ҳам бўлса — самимиётлик.

Яқинда бўлиб ўтган Ўзбекистон Президенти сайлови таъсирчан усул намоиш этилганининг наватбадга исботи бўлди. Унда Шавкат Мирзиёев сайловчиларнинг 80,1 фоиздан ортиқ овозини тўплади. Турли давлатлардаги сиёсатшуносларнинг ақиди фикрига қўра, ҳар қандай сайлов кампаниясида, аввало, сайловчи галаба



валбошдан конструктив бўлган танқид унга турли шарҳлар қўлайгани сари қуруқ тухматга ўтиб кетиши ҳам ҳеч гап эмас. “Фейк”, яъни тўқима, ёлгон ахборот, шубҳали “экспертлар” ва “баҳоратқўйлар”нинг фикрлари эса қизиб турган ёғга сув пуркашгача олиб келяпти. Давлат қабул қилган қарорларга нисбатан уларда махсус “сценарий” тайёрлаб қўйилган бўлиши ҳам мумкин.

Айни вақтда юзгага келган бундай тенденциялар аслида инсон табиятига хос. Яъни бирор янгиликка дуч келганимизда, ундан қандай қилиб самарали фойдаланиши дарҳол била олмаймиз. Қандайдир муддат ўтиб, фойда-зарарини англаймиз.

қозонади. Ўз эътиқодига, чуқур мулоҳазасига асосланиб фуқаролик позициясини намоён қилиш — бу инсониятнинг узок давом этган мураккаб тарихида қўлга киритган имтиёздир. 16 миллиондан зиёд ўзбекистонликлар бу имтиёздан фойдаланишни афзал қўришди ва албатта, ютқуқа эришилди — яъни Ватан тақдирини ва келажига масъулият билан ёндашдилар.

Яна очкилик, шаффофлик ҳақида. Бундан аввал Ўзбекистондаги бошқа бирор воқеа хорижий оммавий ахборот воситалари, кузатувчилар, экспертлар ва таҳлилчилар эътиборини шунчалик ўзига тортмаган эди. Ниҳоятда фақат сайловнинг ўзигагина қаратилгани йўқ: кузатув ва



Янги Ўзбекистоннинг илгари сурилган яна бир хусусияти адолат ва қонун устуворлигидир. Қонунни ҳурмат қилиш нафақат барча соҳани ислоҳ қилиш, балки тамаддун ва ўсиш учун асосга эга бўлиш демакдир. Шу боис давлатимиз раҳбари фуқароларда қонунга итоат этиш туйғусини шакллантириш биринчи галдаги вазифа бўлиши лозимлигини таъкидлайди. Бу йўналишдаги ишларни болалар боғчасидан бошлаш лозимлиги айтилади. Негаки, қонунларнинг “катта” ё “кичиги” бўлмайди, битта қондан бузган киши иккинчисини ҳам бузиши мумкин. Энди бутун жамият миқёсида оладиган иқтисодий, фуқаролар фаровонлиги билан узвий боғлиқ.

пайтда аввалги сиёсат билан солиштирганда алоҳида ажралиб турувчи очкилик соҳасидаги ўсиш борлиги таъкидланди ҳамда мамлакатимиз зиддиятсиз демократия, Фарб ва Шарқ ўртасидаги стратегик кўприк, деб аталди.

■ Самарали ислоҳотлар мантиғи

Кузатувларга қўра, Ўзбекистон ҳақида ёзилган ҳамкасбларимиз “кўприк” деган ўхшатишга кўп мурожаат қилишди. Мамлакатимизни Фарб ва Шарқ, тамаддулар, қитъалар ўртасидаги, Жанубий ва Марказий Осиё ўртасидаги ёки трансҷағравий макондаги кўприк, деб аташди. Ҳа, бу образ чиндан ҳам тўғри танланган. Фикрнинг давом эттирган ҳолда, “кўприк” стратегик ва глобал миқёсда нимага асосланиши ҳақида ўйлаб кўрсак.

Кейинги беш йил ичида салмоқдор давлат қурилиши конструкциясига бакуват таянч устунлари қўйилди. Образли қилиб айтсак, бу устунлар бешта — Ҳаракатлар стратегиясидаги йўналишлар сонига тенг. Ўтган давр мобайнида улар ўз зиммаларига юклатилган вазифани, яъни мамлакатни модернизация қилиш, унинг тараққиёти учун шарт-шароитларни яратиш вазифасини бажаришди.

Самарали ислохотларнинг мантикий мазмунини уларнинг изчиллигини белгилаб беради. Танлаб олинган курсни давом эттириш учун Янги Ўзбекистоннинг тараққиёт стратегияси ишлаб чиқилди. Келгуси беш йилга мўлжалланган “йўл харитаси” эса энди еттига устунга таянади. Етти рақами жаҳондаги барча маданиятларда алоҳида мазмун-моҳиятга эга. Янги стратегияга ҳам айнан шу рақам асос қилиб олинган. Шавкат Мирзиёев яқинда “Егемен Қазақстан” ва “Казахстанская правда” газеталарига берган интервьюсида ушбу стратегияда асосий ўринни Ўзбекистонда эркин фуқаролик жамиятини янада ривожлантириш асосида миллати, тили ҳамда динидан қатъи назар, ҳар бир фуқароннинг қонуний манфаатлари ва фаровонлигини таъминловчи халқчил ва инсонпарвар давлат қуриш, қисқача айтганда, “Инсон қадри учун” устувор тамойилни тўла татбиқ этиш бўйича вазифалар эгаллашни айтиб ўтди. Биз бундан буён ўз фаолиятимизни “инсон — жамият — давлат” деган янгича тамойил асосида ташкил этамиз, деди мамлакатимиз раҳбари.

Бу мизани англатади? “Ҳаракатлар стратегиясидан — Тараққиёт стратегияси сари” гоёси илк бор ҳар бир фуқароннинг миллати ва тилидан қатъи назар, унинг манфаатлари ҳақида ғамхўрлик қилиш вазифасини илгари суради. Бу тезисда чуқур фалсафа мужжасам. У эса тез фурсатда қўндалик ҳаётимизда акс этади.

Юқорида айтиб ўтганимиз — италиялик журналистлар ўз мақолаларида Ўзбекистоннинг қадриятлари ҳақида сўз юри-

тар экан, унинг табиий захираларга бойлиги ва маданиятлари турли-туманлигидан ташқари, бу ерда мутаассибликнинг йўқлигини, кўпмиллатли ва кўпконфессияли халқнинг яқдрилигини алоҳида қайд этишди. Албатта, тўрт минг йиллик тарихига эга Европа мамлакатининг вакиллари нима дейишайотганини яхши биладилар. Тадқиқотлар ҳам тасдиқлайдики, қайси жамият ўз таркиби, тили, касб-кори, ёши ва дунёқарашига қўра қанчалик турли-туман бўлса, унда келишмовчилик шунчалик паст, яратувчанлик қайфияти эса ўшанча юқори бўлади. Бундай муҳитда илгор гоёлар тўғрисида, одамлар эса янгиликка ўч бўлиб, технологияларни тез ўзлаштириб, илмий, маданий ва маърифий тараққиёт жадаллашади.

Янги Ўзбекистоннинг илгари сурилган яна бир хусусияти адолат ва қонун устуворлигидир. Қонунни ҳурмат қилиш нафақат барча соҳани ислоҳ қилиш, балки тамаддун ва ўсиш учун асосга эга бўлиш демакдир. Шу боис давлатимиз раҳбари фуқароларда қонунга итоат этиш туйғусини шакллантириш биринчи галдаги вазифа бўлиши лозимлигини таъкидлайди. Бу йўналишдаги ишларни болалар боғчасидан бошлаш лозимлиги айтилади. Негаки, қонунларнинг “катта” ё “кичиги” бўлмайди, битта қондан бузган киши иккинчисини ҳам бузиши мумкин. Энди бутун жамият миқёсида оладиган бўлсак, ҳуқуқий маданият мамлакатнинг иқтисодий, фуқаролар фаровонлиги билан узвий боғлиқ. Бунга мисол ҳам бор:

Кўплаб халқаро ташкилотларнинг штаб-квартиралари жойлашган Нью-Йоркда узок вақт давомида дипломатик ташкилотларнинг автомашиналари мумкин бўлмаган жойда тўхтаб турганлиги учун жаримага тортилмаган, яъни уларга жазо қўлланилмаган. Натижада беш йил давомида 18 миллион долларга тенг бўлган 150 мингтага яқин қоида бузилишлар содир бўлган. Тадқиқотчилар ана шу воқеа ва рақам билан қизиқиб қолишди. Маълум бўладикки, дипломатлар қоида бузиш масаласини ўзларидан келиб чиққан ҳолда турлича ҳал қилар эканлар. Масалан, Скандинавия давлатларининг вакиллари тақдим этилган имтиёзга қарамай, жарималарни тўлаб боришган. Лотин Америкаси давлатларидан келган дипломатлар эса аксинча, машинани сақлашда ҳатто ўт ўчирувчи ёки тез ёрдам машиналарининг ҳам йўлини тўсиб қўяверилар экан. Олимлри дипломатларнинг қоидабузарликларини улар қайси давлат

вакиллари экани ва у ердаги порахўрлик даражаси бўйича солиштириб қўришибди. Қарангки, йўл ҳаракати хавфсизлиги қоидаларини бузишга расман рухсат берилган шaroитда бундай ҳолатлар сони ўз мамлакатидеги коррупция кўрсаткичи билан бевоcита боғлиқ экан. Бир неча йил ўтиб, шаҳар мэри дипломатлар учун имтиёзин бекор қилган, қоидабузарликлар қамайиб, жарималар 95 фоизга қисқарган.

Соддароқ айтадиган бўлсак, ҳайдовчи машинани қарда, қандай тўхтатиб қўйишга қараб, унинг пора бериш ва олишга муносабати ҳақида ҳулоса қилиш мумкин экан. Ахир қоидаларга риоя қилиш қисман бўла олмайдиде. Қоидаларга ҳурмат ҳайдовчи онгиде шаклланади ва жавобгарликдан қочиш имкони йўқлиги ҳақидаги фикр билан мустаҳкамланади. Шу муаммонинг жиддийлигини, коррупция инсон оёғига қанчалик қаттиқ тушов солишини ҳисобга олган ҳолда, Ўзбекистон Президенти бутун жамиятда, аввало, ёшлар онгиде бу иллатга қарши муросасиз муносабатни шакллантириш, давлат ва жамиятнинг барча куч ҳамда воситаларини сафарбар этиш ҳал қилувчи аҳамиятга эга эканлигини таъкидлайди.

■ Халқ талабига асосланган ўзгаришлар

Тараққиётимизнинг янги босқичида яна бир объектив зарурат мавжудки, у нафақат ҳуқуқий маданиятни шакллантириш, балки давлатнинг келажаги билан боғлиқдир. Қонунлар ҳамма ҳурмат қилиш ва риоя этишга интилиши учун давр руҳига мос бўлиши лозим. Бу биринчи галда Асосий Қонун — Конституцияга тегишли.

Замонавий дунёнинг тезкорлиги, шиддати ва долғалилиги, илмий-техник тараққиёт, қоронавирус пандемияси каби турлича янги хатарлар бор-йўғи беш-ўн йил аввал қабул қилинган ҳужжатларни ҳам бирасда эскирган, деб ҳисоблашга мажбур қилимоқда. Давлатимизнинг Асосий Қонуни ўтган мингйилликда охирида ишлаб чиқилиб, қабул қилинган. Ўша даврда ёш мустақил республика олдида умуман бошқача мақсад ва вазифалар турган эди. Ҳа, мустақилликини сақлаб қолиш мақсади бошқа-ю, 2030 йилга бориб аҳоли жон бошига даромадлар кўрсаткичи бўйича ўртадан юқори бўлган давлатлар қаторига кириш мақсади бошқа.

Ишлаб чиқилган тақлифларга биноан, инсон манфаатларини таъминлаш иқтисодий ислохотларнинг асосий мезони, деб эълон қилинади, “Янги Ўзбекистон — ижтимоий давлат” тамойили эса конституциявий меъёрга айланади. Асосий Қонунимизга фуқаролик жамияти институтлари тушунчаси киритилди, унда оила институтини ривожлантириш асослари, аънавий инсоний қадриятлар, миллатлараро тотувлик тамойиллари акс эттирилди. Ўсиб келаётган ёш авлод манфаатлари, ёшлар сиёсати, ҳуқуқлари ва уларни қўллаб-қувватлаш, мактабгача таълим ташкилотлари, мактаблар, олий таълим ва илм-фанни ривожлантириш учинчи Ренессанс пойдеворининг асослари сифатида Конституцияда матнига киритилди.

Шунингдек, болалар меҳнатига йўл қўймаслик, ногиронлиги бор шахслар ва кексаларнинг ҳуқуқларини ҳимоя қилиш тўғрисидаги моддалар ҳам акс эттирилди. Асосий Қонунимизга айнаи вақтда ўта долзарб бўлган экология масалаларини тартибга солувчи меъёрлар киритилди.



бўлсалар, эндиликда туман бюджетининг муайян қисми одамларнинг қўндалик муаммоларини ҳал этишга йўналтирилмоқда — тагин денг, алоҳида сайт орқали. Ижтимоий тармоқлар ва улардаги шарҳлар эса томонлар ўртасидаги алоқани яна ҳам яқинлаштиради. Норасмий мулоқот канали бўлгани ҳолда, улар ҳокимиятнинг диққатини ўзига тортади ва шундай қилиб, фуқароларнинг фикрлари билан ҳисоблашшга мажбур ҳам қилади.

Бугун биз фойдаланаётган янгича мулоқот усулларини яна узок санаш мумкин.

Масалан, тарихдан маълумки, китоб чоп этиш энди бошланган пайтда Европада кенг омманинг эҳтиёжига қараб саёз, енгил-елпи мазмунли адабиётлар жуда тез тарқалган экан. Ҳозирги вақтда ахборот майдонида юз бераётган ҳодиса ҳам шунга ўхшайди.

Демак, бугунги кун воқелигини тўғри ва батафсил тасаввур қилиш жуда муҳим. Биринчи галда, юз бераётган воқеа-ҳодисаларнинг “мағзини” англаш учун уларнинг атрофини ўраб турган “ахборий доира”га тўғри баҳо бериш керак бўлади. Бусиз эса ҳар қандай воқеа “узук-юлук” ян-

ўрганишлар жараёнида мамлакатимизнинг ташқи сиёсат майдонидаги макомини баҳолашга эътибор берилди. Американин “Forbes” журнали “Ўзбекистондаги сайловлар жаҳонга таъсир кўрсатади”, деб қайд этган бўлса, Италиянинг “Nuovo Mondo Economico” наشري “Ўзбекистондаги сайловлар Европа ва глобал геосиёсий миқёсда муҳим роль ўйнайди”, дея эътироф этди.

Бу ҳулосаларда кейинги беш йилда амалга оширилган жадал ислохотларнинг натижалари ҳисобга олинган. Мазкур нашрлар томонидан Ўзбекистонда айна

Бош муҳаррир Ўткир РАҲМАТОВ

2020 йил 25 мартда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида 0001-рақам билан рўйхатга олинган. Нашр индекси — 229. Буюртма Г — 1248. 28 151 нусxada босилди, ҳажми — 2 табоқ. Офсет усулида босилган. Қоғоз бичими А—2. Баҳоcи келишилган нархда.

Газетамиз ҳақидаги маълумотларни юзлаб олиш учун QR-коднинг телефонингиз орқали сканер қилинг.



ТЕЛЕФОНЛАР:
Девонхона 71-233-52-55;
Котибият 71-233-10-28; Ўзлонлар 71-232-11-15.



Тахририятга келган қўёзмалар тақриз қилинмайди ва муаллифга қайтарилмайди.

Газетанинг отказиб берилиши учун обунани расмийлаштирган ташкилот жавобгар.

Газета тахририят компьютер терминал термиди ҳамда оператор М. Бегмуратов томонидан саҳифаланади.

Газетанинг полиграфик жиҳатдан сифатли чоп этилишига “Шарқ” наشريёт-матбаа акциядорлик компанияси масъул. Босмахона телефони: 71-233-11-07.

• МАНЗИЛИМИЗ:

100000,
Тошкент шаҳри,
Матбуотчилар кўчаси, 32-уй.

Навбатчи муҳаррир — Д. Каримов.
Мусаҳҳир — С. Исмолов.

“Шарқ” наشريёт-матбаа акциядорлик компанияси босмахонаси. Корхона манзили:
Буюк Турон кўчаси, 41. ЎЗА якуни — 21.25 Топширилди — 00.05 1 2 3 4 5 6

Ўткир РАҲМАТ.